

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 91. Joannis Parvi Apologia pro Duce Burgundiæ.

[urn:nbn:de:hbz:466:1-66281](#)

§. XCI.

Sæcul. XV.
A. C. 1408.

*Joannis Parvi Apologia pro Duce
Burgundiae.*

Paucis post adventum suum diebus Regis alloquium deposcens admissus est. *Wading. ad ann. 1410. n. 19.* Die autem octava Martii in Palatio sancti Pauli caussam Ducis in judicio dicebat Joannes Parvus, Universitatis Parisiensis Doctor, qui jam antea eloquentiæ fama sibi gloriam comparaverat maximam. Perorabat in pleno confessu Delphini, Siciliæ Regis, Cardinalis dicti de Baro, Bituricum, Britanniæ, & Lotharingiæ Ducum, necnon in plurimorum Comitum, Baronum, Equitum, & diversarum Regionum Nobilium præsentia. Pariter Parisiensis Universitatis Rector unacum ingenti Doctorum numero, plurimisque Civibus aderat. Joannes Parvus in sua oratione, quam nobis Ingelramnus seu Enguerrandus Monstreletus totam atque integrum servavit, ostendere nititur, Aureliæ Ducem divinam, humanamque violando Majestatem, extitisse Tyrannum, quam qui unquam fuit, sævissimum, nec non Regi salutem modo neficiis, nunc vitam insidiis, jam solium Pontifice in opem vocato adimere molitum fuisse. Ex quibus tandem conclu-

H 4 debat,

Sæcul. XV.
A.C. 1408.

debat, Ducis necem justam æque ac necessariam fuisse, & in simili eventu cuique fas esse, Tyraonum occidere; Hinc Burgundum non solum nulla poena ob cædem Aurelianensis plectendum, sed potius gratia, aliisque præmiis honorandum esse, non fecus ac S. Michael præmio decoratus est, eoquod Luciferum cœlo expulerit, & Phinees, quod Zambri vita privaverit.

§. XCII.

*Rex Duci datis tabulis gratiam
delicti facit.*

Monstrelet.
vol. I. c. 38.
§ 39.

Equidem saniori Auditorum parti hæc apologia admodum injuriosa accidebat, nihilominus optatum fortita est evenitum. Cum enim Rex imbecillioris esset ingenii, & facile aliorum precibus fleti se pateretur, aliunde vero Burgundiæ Dux magna apud ipsum valeret auctoritate, postera die Dux in gratiam Regis rediit, quinimo veniæ, seu regias condonati criminis tabulas obtinuit. Verum, cum post aliquot menses in Flandriam regressus esset, bellum adversus Leodienses moturus, Ducis Aurelianensis Vidua Burgundi absentia opportune usura Parisios contendit, tum ut a Rege occisi sui Conjugis peteret ultionem, tum